



**Emahhovisi  
labomahambange-  
ndlwan enta  
kufaka ticelo  
tekubuyiselwa  
umhlaba kube lula**  
*Likhasi 2*



**Litiko Letase-  
khaya lenta  
kancono tinsita  
tawonkhe wonkhe  
kutsi tibe ncono**  
*Likhasi 4*

**INETI-  
KHANGISO  
TEMISE-  
BENTI**

## Urhulumente usabela kwisicelo sase-Eersterust

### More Matshediso

**H**ulumente uyatimisela ngekwenta konke lokusemandleni akhe mayelana nekusita imimango lecela lusito futsi ummango wase-Eesterust, emphumalanga nePitoli ingulomunye waleyo mimango.

Mengameli Jacob Zuma usandza kubamba Imbizo (umhlangano) nalommango kukhombisa kutinikela kwalommango ekulweni nekusetjentiswa budlabha kwetidzakamiva nekukhutsata kututufukiswa kwelusha e-Eesterust kanye netindzawo letisemacentselweni.

Lembizo yaMengameli inike Mengameli lwati letitfolele yona ngekwayo kanye nekuvisisa tinsayeya lommango lobukene nato.

Lommango ubukene netinsayeya letinyenti, kusukela ekusebentiseni budlabha tidzakamiva kanye nemikhandlu lehlelekile yebashumbumbi betidzakamiva labasebenta kulendzawo kuya kubelizinga lelincane lemali lengenako kanye nelizinga lebugebengu lelipakeme kanye nelizinga lekungasebenti lelipakeme, konkhe loku kunelutse lelibi kulusha kanye nakulabo labafuna imphilo lencono.

Ngekuya kwalabamele lommango, inkinga yekusebentisa budlabha tidzakamiva itsintsu lusita lolutinkhulungwane leti-15 000 – linyenti labo bantfwana besikolwa labagcina bashiye sikolwa phansi.

Mengameli Zuma utsite emaphoyisa bekaloku enta umsebenti wekubopha bashumbumbi betidzakamiva, tinkhosu tetidzakamiva letisemvakwako konkhe loku, kanye nalobunye



**Mengameli Jacob Zuma uvakashele e-Eerterust, emphumalanga nePitoli, kuyosebentiana nemmango kute batfole tisombululo tetinkinga tabo.**

bugebengu lobenteka kulommango.

"Kute kubu ngumanje sekwenditive imisebenti yebuhnloli bebugebengu lenge-69 futsi iholele ekubanjweni kwalabange-55 labasolwa kutsi batsengisa tidzakamiva. Emaphoyissa ayachubeka asebenta netinhlangano temimango letilwa nebugebengu kanye nalekusetjentiswana nabo bemacembu ekwenteni imikhankhaso lelwa netidzakamiva kanye nebugebengu jikelele kulendzawo..."

Mengameli ungete ngelekutsi Lidolobhakati laseTshwane libhalise iminden lephuyile leyi-1 024 yalomango lebeyitfolo tinsitanchanti,

futsi ngemkhankhaso lobewubanwe ngaKhawlone, leLidolobhakati liphindze futsi lasita iminden le-187 lebeyidzinga lusito.

"Lelidolobhakati futsi lisandza kunikela nge-R100 000 linikelela Tinkhulisa letimbili kulommango," kwasho Mengameli Zuma.

Ngembu kwaLembizo yaMengameli, tindvuna letinyenti tiwvakashele lommango kute titfole tisombululo lekungasonjululwa ngato letinsayeya lommango lobukene nato.

Indvuna Bathabile Dlamini Yetekutufukiswa Kwenetahlalakahle ikhulumsene nebahlahi ngeLusuku Lwekulwa Nekusetjentiswa Budlabha Kwtidzakamiva nekuShushumbisa lokungekho emtsetfweni lapho khona lusita lolunyenti luvumile kutsi luyayibhemba i-nyaoupe" - inhlanganisela ya-crystal meth, i-heroin kanye nensangu.

Indvuna Dlamini itsite italusita lolusha futsi ilutsatse iluyise esikhungweni lesihamba embili lesitfolakala kulelive sekuyekelisa tidzakamiva ubuyiselwe esimeni lesifanele, kepha ubacele kutsi batinikele ekutsi babuyle emuva emmangweni wabo babantfu labancon.

Sihlalo Welikomidi Lekulwa Netidzakamiva leNdzawo lase-Eesterust, Desiree Fischer, utsite lelikomidi lente luhlelo lwekusita luphephise timphilo tebantfu labasengotini.

### IMFUNDVO IBALULEKILE

Indvuna Yelihhovisi LaMengameli Yetekuhlela Kucaphela kanye Nekuhlola, Jeff Radebe, naye usandza kuyivakashela lendzawo waphindze futsi wakhutsata bafundzi kutsi bafundze

ngekutikhandla esikolweni, nanoma nje banalettinga lababukene nato.

"Imfundvo itakunika litfuba lekutsi ube ncono kunebatli bakho, ngako-ke umtfwalo wenu kutsi nicinise kute kutsi nibe takhamuti letincono kanye nebaholi bakusasa," kwasho yena.

Indvuna ivakashele Sikolwa i-Eersterust Secondary kanye neSikolwa iProsperitas High kute ive tinsayeya bafundzi nabothishela lababukene nato. Ucele bafundzi kutsi bangagcili ekunakeni tintfo letingasikahle letibatungeletile kepha bagcile eluhlangotsini Iwemphilo lolunenchubekela embili.

"Yentani kutsi emaphupho elikusasa lenu lelichakatili anifake inshisekelo. Nifanele kutsi nifise kuba bantfu labatsite emphilweni. Nifanele kutsi nifise kuba bothishela, bahengikati, bodokotela, bososayensi kanye netati tetinkhanyenti, njll. Sibhakabhaka ngusona singumkhawulo eNingizimu Afrika," kwasho yena.

Indvuna Radebe iphindze futsi yakhutsata bafundzi kutsi bashisekele kutsi babe bosomabhzini kute kutsi babe newabo emabhzini kutsi bafundzi kutsi bagcile

**> Iyachubeka elikhasini le-2**

## Sikhumulo setindizamshini sifukule umnotfo waseMphumalanga Kapa

### Vuyo Bathembu

**I**sikhumulo Setindizamshini saseMthatha le-siphuculiwe, lesitichenna ngetakhwi nenkhundla yetindizamshini lensha lebita-R700 wetigidzi, sitawugucula indlela umno-tfo walesigodzi lobukeka ngayo siphindze futsi sente kutsi kubu nemisebenti lemintyeni.

Undvunankhulu waseMphumalanga Kapa Phumulo Masulle usandza kutsatsa luhambo lwebetindzaba Iwalesikhumulo setindizamshini kwakhiwa kwaso lesekucishe kusemaphetse- lweni futsi sewubele lusuku lwamhla tinge-30 Imphala njengelusuk lekutawuwulwa ngalo lesikhumulo setindizamshini lesisha.

Lesikhumulo Setindizamshini saseMthatha besihlelelwe kuvulwa ngalokusemtsetfweni nagaMabasa, kepha titleka temboni yetinsimbi kanye netimvula letingancamuka tabangela kutsi kubu nekwehputa.

Lesikhumulo setindizamshini simise ence- nyeni lengasemphumalanga yeMphumalanga Kapa, indzawo lenotse ngetemafa nemagugu kanye nelikhaya le-Wild Coast, levakashe- lwa njalo nje tivakashi tendzawo netemave angaphandle.

Inkhundla yetindizamshini kanye netakhwi tyiente yaheha tindizamshini.

mulo tetindizamshini.

Sikhumulo Setindizamshini saseMthatha singulonulye Iwetinhlelo tahulumende tekawha takhiwonchanti kantsi futsi lokuphuculwa kwayo kwentiwa ngaphansi kwephakheji yeLihhovisi laMengameli lekungenelela kulolulawulo Iwaphambilini. Sinyatselo lesi- ndzelako kwakha indzawo yemahhovisi nendzawo yetitolo kanye nendzawo yekuphatsa kahle bantfu kulesikhumulo setindizamshini lapho khona kungesilo libala letindizamshini, letawufaka ekhatsu lihotela kanye nelitiko letinkhomfa.

Ngesikhatsi kwakhiwa kwadaleka lokungenani imisebenti lenge-223 futsi kule-120 yayo kwacashwa lusita. Indvuna Yesifundza saseMphumalanga Kapa Yetekutufutsa Weziwe Tikana utsite Sikhumulo Setindizamshini saseMthatha sibalulekile ekukhuleni kwemntofu netekuvaka- sha futsi sitawesekela kututufuka kwetindzawo tasemaphandleni.

"Lolutjalomali Iwalesikhumulo setindizamshini lolungakate selube khona phambilini ngekweliciiniso

lwenta umsebenti lomuhle ekulungiseni kungalingani lokungadzingeki wekunganaki tindzawo taphambilini letisetabelweni," kwasho yena.

Luhlelo Iwahulumente Iwesikhatsi lesidze bekukwenta Sikhumulo Setindizamshini saseMthatha "njengendzawo lekuvulela ku-letinye tindzawo letinyenti" letingasencenyi lesemphumalanga yeMphumalanga Kapa. Loku kutawuzuzwa ngekutsi kuguculwe lesikhumulo setindizamshini sibe sikhungo lesicavile sebagi- beli nemphahla, lesihlanganisa imigwaco, jantji wesitimela kanye netitfutsi tasemoyeni.



**LESHISHA**

**LESIDZALA**

**Lesikhumulo setindizamshini saseMthatha angeke sifukule umnotfo nje kuphela, kepha sitawukhulisa nelinanai lemisebenti kulesifundza.**

## LOKUVAMILE

# Umhlabu uletsu ematfuba emmangweni waseNodunga



Aaron Zulu, sihlalo weNhlangano Yemphahla Yemmango waseNodunga, uphetse emanantji lalinywa kulomhlabu langumnikati wawo abambisene nalamanye emalunga emmango.

## Noluthando Mkhize

**U**-Aaron Zulu (loneminyaka lenge-58) bekangacabangi kutsi liyawute lifike lilanga lapho khona ayawubuya emhlabeni latalelwa kuwo ngemuva kwekutsi inchubo yelubandlululo yamphocelela kutsi ashiye umndeni wakhe nelikhaya lakhe.

Nga-1913, emakhulu eminden yebantu labamnyama yasuswa ngendluzula emhlabeni yayo nguhulumende welubandlululo, ngemuva kwekushaywa kweMtsetfo Weku-tsatfwa Kwemhlabu Walabamnyama.

Batsatselwa umhlabu wabo, emakhaya, indlela bebatiphilisa ngayo baphindze futsi baphocelelwa kutsi bayohlala etindzaweni letitabelo noma bayiswa etabelweni lebetiengakahlela kahle futsi letingatfoli kahle tinsita.

Nga-1994, hulumende wentsandvo yelinyenti ubone sidzingo sekuhlelwa kabusha kwe-mhlabu netindzawo tekulima njengencenyeye kucollelana nekubuyisana kwavelonke.

"Sasuswa emihlabeni yetfu ngekuphocelelwa. Emakhaya etfu ashiswa kantsi futsi netinkhomo tetfu tabulawa," kwasho Zulu.

Zulu ungulomunye webafakicelo tekubuyiselwa umhlabu wabo walaba-76 000 lababuyiselwe umhlabu wabo ngekeluhlelo iwhulumende lwekubuyiselwa umhlabu. Litiko Letekutfukiswa Kwetindzawo Tasemaphandleni Netingucuko Temhlabu selicitse neteluto kwa-R24.6 wetigidzidzi kuluuhlelo.

Zulu unguishlalo weNhlangano Yemphahla Yemmango waseNodunga (i-CPA), lemelele emakhaya lange-376.

Ummango waseNodunga usandza kusayina sivumelwane seminyaka le-10 nenkampani yemaphepha nekupakisha iMondi yemahlatsi ekutsengiswa emahekhtha lange-685 emhlabu, labita linani lelingu-R7.4 wetigidzi, lesitawubasita kutsi batfole emakhono lafanele latabazuzisa kumatfuba ebhizinisi kulomhlabu.

## KUFAKA SICELO SEKUBU-YISELWA UMHLABA

Nga-2012, ngemuva kweminya lenge-17 betama kufaka sicelo sekubuyiselwa umhlabu wabo, i-Nodunga CPA yabuyiselwa umhlabu longemahekthha la-2 897.

"Bengingocabangi kutsi ngiyawuke ngibule-ye ekhaya lami. Bengicabanga kutsi kusiphetfo setfu ngoba semukwa konkhe besinako," kwasho Zulu.

Zulu nemalunga emmango wakubo waseNodunga bafaka sicelo sabo nga-1995.

"Sahlangabetana netinkinga letinyenti, ngisho nangekhatsi emmangweni, lokwabangela kubambeleka lokutsite. Kwekulaca nje, besingati kutsi sifanele siye kuphi futsi siyofaka sicelo sekubuyiselwa umhlabu wetfu."

Zulu utsi umsebinti wabo mbamba wekufaka sicelo sekubuyiselwa umhlabu wabo sacala nga-2008 ngesikhatsi tikhulu tahlumende tihlala njalo tivakashela lomhla, lebewuhlala balimi, bawuhlola.

"Ngesikhatsi salenchubo besisebenta neKhomishini yaKwaZulu Yekubuyiselwa Emalungelo Emhlabu. Bekumatima ngoba lamanye emalunga bekangasahlali lapha futsi bekashalala kuletinye tindzawo ngakoke kwadzingeka kutsi sikhipe sikhangiso kubetindzaba kute kutsi setame kubatfola."

Ikhomishini yaKwaZulu-Natal Yekubuyiselwa Kwemalungelo Emhlabu iwela ngaphansi kwelitiko lesifundza Letekulima Nekutfukiswa Kwetindzawo Tasemaphandleni.

Kwatsi nasekutfolwe bafakisicelo baseNodunga, bakha iNodunga CPA.

"Sabita bantfu labanelikhono kutekugcina wa kwemabhuku etimali noma kuchuba ibhizinisi ngoba besibabekile umgomo. Sisikhombisa kulelikomidi."

## EMATFUBA EKUCASHWA

Le-CPA yabhalisa iNodunga Farming, lechutjwa bacondzisi labatsatfu, kute yente ummango kutsi ukwati kuchuba ibhizinisi kulomhlabu lababuyiselwe wona.

iNodunga Farming iphindze futsi itfola-R17.8 wetigidzi kuLuhlelo Lwekutfukisa Nekufaka Imali kubhizini (i-RADP) lolwefulwa nga-2009.

Le-RADP iyacecesha ibuye futsi itfutfukise labo lababuyiselwe umhlabu ngeluhlelo lwekwabiwa kabusha kwemhlabu.

"Kwatsi ekugcineni nasitfola lomhlabu nga-2012 besite lutfo lebesingalima ngako lamapulazi noma sicale ngako ibhizinisi. Lamapulazi bekasesimeti lesibi futsi bekute gezi."

Namuhla iNodunga Farming ikhicitu umoba, mango, emanantji, emalitjisi nemantongoma ema-macadamia.

Ange-239 emalunga emmango lasebenta kulelipulazi nalabange-42 labasebenta nge-tikhatsi letitsite.

## KWENTA LUTJALOMALI EMANGWENI

Ngaphandle kwekuniketa ematfuba emisembenti, iNodunga Farming iphindze inikete tikolwa letisihlanu emanyifomu, ebantfwana laba-1 500, yonkhe minyaka.

"Sibone sidzingo sekututfukisa tikolwa kulendzawo ngekutinika emanyifomu. Siphindze futsi sisite ngemisenti yekukhibika kanye nemakhithi etemidlalo kute sente bantfwana batsandze sikolwa."

iNodunga Farming iphindze futsi isite iminden lephuyile. Ibakhela tikolwa futsi iphindze ibaphe emavawusha egrosa.

"Kute kubu ngumanje sesakhe tindlu letitsatfu temalunga alommango. Emalunga emmango avumelekile kutsi angesta teffulo tetidzingo tawo. Kuba noma ngabe yini kusukela ekusitweni ngetekungcwaba noma imifundzate yesikolwa. Siyatihola letefulu bese sisita lapho singakhona kusita khona."

Ngemyaka wetimali wekugcina walenkampani, yatfola-R17 wetigidzi, leyatfolwa kakhulu kumathani ashukela lenge-36 lakhitwa.

## SELULEKO LESICONDZISWE KULABANYE BAZUZI

Zulu utsi kute ubi ngumlimi lophumelelako ufanele kutsi ubi nelutsandvo.

"Ikhona inzuze kulebhizini, kepha kufanele kutsi ubeketele. Yebo, ufanele futsi kutsi ukwati kuphatsa ibhizinisi yakho futsi ufaneke ukwati nekubukana netindleko telipulazi."

Wenete ngelekutsi bazuzi bafanele kutsi bakwati kusebentisana kute bacinisekise kutsi kuhona labakutfolako kulomhlabu.

"Ibhizinisi yekulima ayisebenti nangabe kuhona kungevani lokukhulu."

Jabulani Dube, umcondzisi wetimali, utsite bazuzi bafanele kutsi baceceshwe ngembi kwekutsi banikwe umhlabu.

"Besinelwati lwekulima umoba lokube yintfo lenhle kutsi." Sifuna ngisho nekucecesha bantfu labangena kulomkhakha."

## [ Urhulumente usabela kwisicelo sase-Eerterust ]

### > Kuyachubeka kusuka ekhasini le-1

kutemfundvo yabo babuye futsi banakekele simondzawo.

Uvakashele lesikolwa kute kutsi alime ingadze yetibhidvo netihlahla tettselo abuye futsi wakhutsata bafundzi kutsi bangashiyi phansi sikolwa futsi banakekele simondzawo, bacale ngengadze yabo yetitselo lensha kanye netihlahla. Lesivuno kanye naletihlahla tettselo titawusita kwengeta kudla kusikimi sekudla sesikolwa lesiniketa kudla babantfwana labange-400 onkhe malanga.

Lisekelandvuna ligcizelele kutsi lusha lusenhabeni yekwakha iNingizimu Afrika lencono.

Kuya embili, hulumende sewukhulumisene nemaphoyisa, lusha kanye nalabatsintsekako kulendzawo kutsi kubukwane netindzongo talommango nekutsi futsi kuvetwe tisombululo.

## Emahhovisi labomahambangendlwana enta kufaka ticelo tekubuyiselwa umhlabu kubu lula

### Noluthando Mkhize

**L**ihovisi lekubuyiswa kwemhlabu lelienguhambangendlwana litawube lihamba lijikeleta yonkhe iKwaZulu-Natal (e-KZN) neMphumalanga Kapa lenta kufaka kweticelo tekubuyiselwa umhlabu kutsi kubu lula.

Lelihovisi lingumahambangendlwana, liyibhasi, lenta incenye yeLuhlelo Lwekubuyiselwa Umhlabu Iwahlulmende.

Tinchubo tekufaka ticelo tekubuyiselwa umhlabu tenta bantfu labaswsa emihlabeni yabo ngekuphocelelwa ngesikhatsi selubandlululo kutsi bakwati kufaka ticelo tekubuyiselwa imihlabu yabo.

I-KZN iyodvwana inemahhovisi lamabili ekufaka ticelo, ePietermaritzburg naseVryheid, kantsi futsi lelihovisi lelihambako litawenta kutsi bantfu bakwati kufaka ticelo dvutane nemakhaya abo.

Lebhais kutawabelwana ngayo neMphumalanga Kapa, ihlala tinyanga letintsatu esifundzeni ngasinye.

I-MEC yase-KZN yeTekulima neKututfukisa Kwetindzawo Tasemaphandleni Cyril Xaba utsite lebhais ifakwe tintfo tebucwepheshe letitawenta kutsi ticelo tifakwe ngekwe-elekthroniki.

"Hulumende uyatetsembe kutsi lenchubo itawusebenta ngekushesa ngoba ticelo titawafaka ngekwe-elekthroniki," kwasho yena.

NgeNdlovana iPhalamende yashaya Umtse-

tosivivinyo Wekubuyiselwa Kwemalungelo Emhlabu, lowaphindze wawula kabusha lenchubo yekubuyiselwa umhlabu.

Umncamulajuci lomusha wekufaka ticelo soweliwiwayisa kumhla tinge-31 Ingongoni 2018 futsi ucondziswe nakunoma ngubani lomunye umuntfu lowatsatselwa umhlabu ngemuva kwamhla ti-19 Inhlaba 1913.

Loluhlelo lwekubuyiselwa umhlabu selunkete bahlukunyeta labanyenti tincemphetelo, labatsatselwa imihlabu yabo futsi labafaka ticelo mhra tinge-31 Ingongoni 1998, umncamulajuci wekucala.

E-KZN, 16 000 weticelo tekubuyiselwa umhlabu tafakwa ngesikhatsi sekucala sekubuyiselwa umhlabu.

"Letinge-14 000, taleti setendulisiwe futsi sekusele leti-2 000 letingakakhelwa. Setiawatdulisia kanyekanye naleticelo letinsha, kukokhelwe kucala leto letentiwa phambilini nga-1998."

Ngekuya kweLitiko Letekutfukisa Kwetindzawo Tasemaphandleni Netingucuko Kute-mhlabu-76 000 weticelo tekubuyiselwa umhlabu setikokhelwe, ngeNdlovulenkhulu nga-2012.

Ngetulu kwebazuzi labasidzzi kulo lonkhe letitabfote ngetulu kwetidzidzi letimbili tema-hekhta emhlabu.

Samba selucifomali seluphele lweleuhlelo lwekubuyiselwa umhlabu kubu ngu-R24.6 wetigidzi.

## Usifaka kanjani sicelo sekubuyiselwa umhlabu

### SINYATSELO SE-1: Kwemukelwa

Tisebenti lesetafuleni lekwemukelwa titawuhola kutsi unawo onkhe yini emadokhumenti latanele bese baykwecwayisa.



### SICELO SIFAKWA MAHHALA



### SINYATSELO SE-4: Satiso

Utawufola i-SMS kungakapheli ema-awa lange-48 ngemuva kwekucinisekisa kutsi sicelo sakho sitifoliwe. Sicelo sakho sitawuphenya futsi utawatiswa ngenchubekela embili ngetikhatsi letifanele, noma nagabe ucela.

**ULANDZELELA KANJANI:** Ungashayela inombolo yamahhala: 0800 007 095 noma nguliphi lalamahhovisi ekufaka ticelo la-14 lakulo lonkhe lelize.

### Ungasifaka kuphi sicelo?

**EGauteng:** 9 Bailey Street, Corner Steve Biko and Johannes Ramokhoase Street, Arcadia, Pretoria. Luingo: 012 310 6500.

**EFreystata Old Postbank Building,** (Corner East Burger and Selbourne Street, Bloemfontein). Luingo: 015 430 0444

**KwaZulu-Natal: Umhlabu House,** 139 Langalibale Street, Pietermaritzburg and 158 -160 High Street, Vryheid. Luingo: 033 341 2674

**EMphumalanga Kapa Old SARS Building,** 22 Station Street, East London ne-66 Prince Alfred Street, Queenstown. Luingo: 043 722 1487

**Inshonalanga Kapa Hyesco Arcade,** 4 – 8 Old Main Road, Kimberley. Luingo: 053 807 5700

**EMntla Koloni:** Hyesco Arcade, 4 – 8 Old Main Road, Kimberley, Luingo: 053 807 5700

**ENnyakatfo Nshonalanga Unit 4 Bathaping Street,** (Next to SARS Building), Mmabatho ne-Prime Plaza Building 52 Market Street, Vryburg. Luingo: 018 389 9658/9600

**ENshonalanga Kapa Van der Ster Building,** Rhodes Avenue, Mowbray, Cape Town ne-33 Shamrock Place, 97 York Street, George. Luingo: 021 658 4300

**ELimpopo:** 61 Bicard Street, Polokwane. Luingo: 015 284 6300

**EMpumalanga:** Restitution House, 30 Samora Machel Drive, Mbombela ne-23 Hi-tech House Corner Botha and Rhodes Streets, eMalahleni. Luingo: 013 752 40544054

"Senta inchubekela embili futsi naMengameli utawenta siciiniseko sekutsi siyayicinisa lempfi futsi sibuyisele lommango emuva kubantfu base-Eesterust," kwasho Lisekelandvuna Manamela.

## LIHOVISI LELISHA LELUSHA LASE-EESTERUST

I-ejensi Yekututfukisa Lusha Yavelonke (i-NYDA) itawuvula lihovisi e-Eesterust kulomnyaka ngembi kwekutsi kuphele inyanga yeLweti, kute kunkwe bantfu labasesebancane Iwatiso mayelana nemfundvo, kukhetsa imisembenti, kucashwa kanye nematfuba emnotfo.

## LOKUVAMILE

## Litiko Letasekhaya lenta kancono tinsita tawonkhe wonkhe kutsi tibe ncono



Batali bafanele kutsi babhalise bantfwana babo labasandza kubelekwa kungakapheli emalanga lange-30 kusita umbuso kutsi uhlelele sikhatsi lesitako.

### Noluthando Mkhize

**K**usukela ngaBhimbidvwane, batali lababhalisa kubelekwa kwe-bantfwana babo ngemuva kwemalanga lange-30 babelekiwe bafanele kutsi bakhombise Litiko Letasekhaya kutsi labo bantfwana labo batakhamuti taseNingizimu Afrika mbamba.

Loku ngulokushiwo nguMcondzisi Jikelele weLitiko Letasekhaya, Mkuseli Apleni, losandza kukhuluma ne-Vuk'uzenzele.

Utsite kungumsebenti wabo bonkhe batali kutsi babhalise bantfwana babo labasandza kubelekwa kuLitiko Letasekhaya kungakapheli emalanga lange-30 babelekiwe.

"Nangabe loku akwentiwa batali bafanele kutsi bachaze kutsi kungani bangakakhoni kubhalisa bantfwana babo kungakapheli emalanga lange-30. Ngekuya kwenchazelo, tcelo tabo tifanele kutsi tivunywe nguMcondzisi Jikelele noma Indvuna ngoba sifuna kwenta siciniseko sekutsi batali bayavisisa kutsi bafanele kutsi bahambisane nemtsetfo,"

Mengameli Jacob Zuma kanye neDvuna Yelitiko Letasekhaya yaphambilini, Dkt. Nko-

sazana Dlamini-Zuma, betfula luhlelo Iweku-bhalisa kubelekwa nga-2010 kucinisekisa kutsi bantfu bayakubhalisa ngesikhatsi lesifanele kubelekwa kwebantfwana.

"Inchubomgomu yelitiko itsi kubhalisa kwekucala kurejista yebantfu yavelonkhe kubhalisa kubelekwa. Esikhatsini lesendlulile bantfu bebangavisisi kutsi kungani bafanele kutsi babhalise bantfwana babo."

Apleni utsite tingetulu kwe-300 tibhedlela letikulelive letisembentana nalelitiko kucinisekisa kutsi bantfwana babhalisa nababelekwa.

Ngekhati kwetfulwa luhlelo Iweku-bhalisa ngemuva kwesikhatsi lesibekiwe, lelitiko beselinebantfwana labalinganisela kulabawa 500 000 labesebaphute kubhalisa.

"Lelinani lehla laya ngaphansi kwe-100 000."

Ngekuya kwa-Apleni, bantfwana labasandza kubelekwa labangakabhaliwa kungakapheli emalanga lange-30 babelekiwe angekba kwtfola sibonelelo sahulumente ngoba kudzingeka titifiketi tabo tekutalwa letineminiingwane yebatali nabafaka sicelo.

Kubhalisa bantfwana kusita umbuso kutsi uhlelele likusasa.

Apleni utsite litiko lakhe lisebenta nalame-nye ematiko ahulumende njengencenyeyo Operation Fielo kucinisekisa kutsi iNingizimu Afrika iphephile.

"Bantfu baseNingizimu Afrika nabakuchamuka kulamanye emave bafanele kutsi balandzele imitsetfo. Kunemcondvo lokhona longasikahle wekutsi i-Operation Fielo icongde bantfu labachamuka kulamanye emave kuphe-la. ENingizimu Afrika sineluhlelo loluhlanganisi. Nanagabe emaphoyisa ayahlasela, ngekubambisana neLitiko Letasekhaya kanye nalamanye ematiko ahulumende, abopha noma ngubani lotfolakala anetidzakamiva, noma ngabe sakhamuti saseNingizimu Afrika noma wekuchamuka kulelinye live."

### I-OPERATION PYRAMID

Lelitiko liphindze futsi letfula ne-Operation Pyramid kucinisekisa kulawulwa kweminyele lokucinile.

Inhlosye-Operation Pyramid kwakha sisekelo se-Ejensi Yekulawula Iminyele (i-BMA) kute kwentiwe kancono konkhe kuchumana neku-bambisana emkhatsini wahulumende kanye netinhlangano temmango lekusetjentiswana nato kugcina umhlabla walelive, umoya kanye nemnyele welugu.

Ekusandzeni wetfulwa kwalohlelo, Indvuna yeLitiko Letasekhaya Malusi Gigaba tinsayaya kulawulwa kweminyele lokubukene nato ngetekuhamba kwebantfu, bugebengu lobuhleliwe lobusemkhatsini wemave, tento tebugebengu, buphekulasikhuni, tilwane letisengotini yekushabalala, imicebo yemvelo kanye netilwane, titjalo kanye netifo tebantfu.

Gigaba wengete ngelektutsi indzawo lesemoyeni kanye nemnyele yelugu kuse-negotini yekuba yindzawo lesemoyeni lengkho emtsetfweni kanye nekuhamba ngelwandle.

I-BMA itawubukana netakhiwonchanti tetikhumulo temikhumbi nekugcinwa kwato tisemimenti lesifanele iphindze futsi itisunge-lele yato indlelasiko, kutatisa kanye netimo tekusebenta.

Apleni utsite Litiko Letasekhaya lisebentana nalamanye ematuko ahulumende kusungula i-BMA.

"Ngifuna kufaka tonkhe letibopho ngaphansi kwale-ejensi. Nga-2017, kulawulwa kweminyele kutawube sekukume ngemumo."

### LITIKO LETASEKHAYA SELISE-BENTA BUCWEPHESHE

Apleni utsite leti tikhatsi letijabulisako talelitiko njengoba lilungiselela kuphucula

kusebenta kwalo ngelusito lwetebucwepheshe lobutawucinisekisa kutsi Litiko Letasekhaya lisebenta kahle kakhulu.

"Bantfu batwukwati kufaka tcelo temapasi-poti kanye nemakhadi ema-ID ngetabo tikhatsi lapho bangcebeleke khona, ku-inthanethi babuye futsi bakhokhele ngekwendulisia imali ngekwe-elekthroniki. Labadzinga kukwenta rje kuya ebhange kute batsatfwе tinyatseliso teminwe yabo kanye netitfombe tabo."

Lelitiko lisebentisana nemabhange kwenta bantfu utsi bakwati kufaka tcelo emabhange abo.

"Sicabanga kutsi tebucwepheshe nguyona mphendvulo. Ngemuva kweku-faka sicelo sepasipoti, kufanele kutsi kutsatse linani lelikulu lemalanga lange-13 kutsi itfowle."



Umcondzisi Jikelele weTasekhaya Mkuseli Apleni utsi lelitiko litawenta kancono sinsitatalo ngelusito lwetebucwepheshe.

Mayelana nelwatiso lolabantu ucelwa kutsi ushayele ku: 0800 60 11 90

## Imimango itfola kutfutfkiswa

### Noluthando Mkhize

**S**idzingo sekubona ummango utfutfkiswa siholele ekutsi Yolanda Madyira, loneminyaka lenge-27 budzala, kutsi abe yincenye yeFortuin Fellowship (JFF), luhlelo lweminyaka lembili lolotfutfkiswa ummango.

Njalo ngeminyaka lembili, lusa lolunge-33 luyakhetfwa lufakwe kuloluhlelo, lolubafundzi-sa kutsi batisungula njani tinhlangano temma-nego babuye futsi batichube ngalokuchubekela embili ngalokungenamkhawulo babuye futsi badlale indzima lenemandla ekutfutfkiseni imimango.

Baphindze futsi bafundze kuchuba imitamo lengenisa imali lezuzisa imimango yabo kanye nabo.

Le-JFF, luhlelo lwe-Ejensi Yekutfutfkisa Yavelonkhe (i-NDA) ihlose kuphatsa ibuye futsi igucule timo temenlhalo emimangweni, yacanjwa leligama ngemuvi Jessica Fortuin, sigayigayi sasonhlalakahle lesajoyina i-NDA nga-2003 futsi bekaloku asikhwishikhwi-shi ekutfutfkiseni tenhlaho iminyaka lenge-34.

"Kubaluleke kakhulu kutsi njengebantfu labasesebansha sibe tikhwishikhwi-tentfutfuk emimangweni yetfu. Sinemandla ekwenta tingucuko nekulwa nalokungahambi kahle kute-nhlaho njengekusebentisa budlabha tidzakamiva nebudlova emimangweni," kwasho Madyira.

i-NDA yetfula i-JFF nga-2014 kute kwentiwe kancono kutfutfkiswa kwemimango ngeku-tfola nekutfutfkisa tifundzisa lesiphofulile letisetsinane emkhakheni wabosonhlalakahle, telucwaningo kanye nemasayensi etenhlalo newebantu.

i-NDA, i-ejensi yeLitiko Letekutfutfkiswa Kwenhlahlakahle, inikwe umsebenti wekucedza buphuya ngekutsi ise-bentisane ne-tinhlangano temimango nekubacecesha emak-hono kuhloniyiswe imimango.

Madyira unedigri kusayensi yetopolitiki laytfole eNyuviesi YaseNshonalanga Kapa, ngembikewekutsi ajoyine i-JFF bekangawtfoli umsebenti.

Madyira ucale kucecesswa kulumnyaka lophelile, emahhovisi e-NDA eCape Town. Utsite uyakutfokotela kusebenta netinhlangano lettingasebenteli kufola imali (ema-NPO), ngoba tisita kutfutfkisa lelize.

"Lomsebenti lengiwentako unginika lwa-ncgo lwekusebenta nema-NPO. Sisita kucecessha bantfu ngekhati etinhlanganweni futsi sibafundzisa kutsi i-NPO mbamba ifanele kutsi ichutjwe karjanji ngoba phela umsebenti wawo kutfutfkisa imimango."

"Kuba yincenye yaloluhlelo kuphindze futsi kwangifundzisa kutsi kusho kutsini kutsi bantfu bayahlupheka. Ngihlala njalo ngifuna tindlela teksita ema-NPO lengisebenta nawo

kutsi abe ncono."

Sikhulu Lesiphetsi i-NDA, Dkt. Vuyelwa Nhlapho luhlelo lunika bantfu labasha emafuba ekufola likhono lemsebenti, indlela legci-lile nenshisekelo yekutfutfkisa nekuzuza.

"Ngaloluhlelo, silungiselela lusa kutsi lulu-ze emakhono alo ngalokuphele bagile etindleni tabo tekutifutfkisa kanye neku-tfutfkisa imimango yabo nekuphumelela," kwasho Dkt. Nhlapho.

i-NDA iphindze futsi ifake ligalelo kute-lucwaningo emkhakheni wetekutfutfkisa futsi seyanta tifundzisa letiphofulile kutsi tivule-leke kumatfuba emkhakheni wetelucwaningo.

Ibona kutsi kubalulekile kuhkutsata lusa kutsi luye emkhakheni wetekutfutfkisa luhindze futsi ludlale indzima lenemandla ekulweni nebuphuya.

"Lomkhakha udzinga tingcondvo leticabanga tintfo letinsha kutsi tivete tinhlelo nemiklamo letawuhlomisa imimango lephuyile neyase-maphandleni ibuye futsi ikhutsate kusebenti-sana emkhatsini kwemimango, tinhlangano temmango, hulumende nemkhakha wanga-sense," kwasho Dkt. Nhlapho.

### SIDZINGO LESIKHULAKO SABO-SONHLALAKAHLE

Nakusandza kusuka lomnyaka Indvuna Bathabile Dlamini yatsi kuNgcugcetsela Yabosonhlalakahle kunesidzingo lesikhulu

sabosonhlalakahle kulelive.

Kwamanje, ireshiyo yemphatsi kusonhlalakahle isuka ku-1:10 kuya ku-1:13 ngekuya ngendzawo labakuyo, lokushiya bosonhlalakahle labanyenti besebenta bengalandzelewa.

Lelitiko nalo liphindze lashedo kutsi ireshiyo yabosonhlalakahle nayicatsanisa nelinani lebantfu kulo lonkhe lelize ilinganisela ku-1:5000, longetulu kakhulu kwemazinga lanconywako. Loku kubuye kubeku kakhulu ngenca yekutsi imimango ilindzala bosonhlalakahle kutsi 'tisebenti tekutifutfkisa jikele.'

Umphumela waloku kuphunyeleliswa kabi kwemigomo nemazinga ekusebenta kwabonhlalakahle.

Kute kuhlangabettwane nelinani lelihlosiwe labasonhlalakahle laba-55 000, njengekubeka kweLuhlelo Lwekutfutfkisa Lwavelonkhe, lelitiko selikhipe luhlelo lwemfundzate lusu-sita ngetimali bafundzi labafuna kufundza emanyuviesi bafundzela kuba bosonhlalakahle.

Kusukela lomfundzate wacala kuniketwa balinganisela kulaba-8 000 bantfu labasha lasebaphofulile labasitwe ngulelitiko. La-bangetulu kwala-3 500 babo sebatsetfwе bafakwa kutemisebenti yahulumende. Lelitiko lisebentisana netifundza kute kulungiswe loludzaba lwekufakwa emisentini.

Mayelana nelwatiso lolabantu ucelwa kutsi ushayele ku: 011 081 5500